



劉向列女傳

六

丑



新續列女傳卷之上

周列國

一 衛共伯妻

閨範圖集

明

黃希周偕商山州來氏
諸子所輯也凡六卷



衛共姜者衛世子共伯之妻也共伯蚤死共姜守義
父母欲奪而嫁之共姜不許作栢舟之詩以死自誓
其詩曰汎彼栢舟在彼中河鬢彼兩髦實惟我儀之
死矢靡他母也天只不諒人只汎彼栢舟在彼河側
鬢彼兩髦實惟我特之死矢靡慝母也天只不諒人
只

二 晉郤缺妻

閨範圖集

晉郤缺冀州人舅季使過冀見缺釋其妻饁之恭敬相待如賓使歸言於文公曰敬者德之聚也郤缺能敬必有德德以治民臣聞出門如見賓養事如臨祭仁之則也君請用之文公召為下軍大夫後謚之曰成故曰郤成子

三 秦杞良妻 閨範圖集

秦孟姜富人女也贅范杞良三日夫赴長城之役久而不歸為製寒衣送之至長城問知夫已故乃號天頓足哭聲震地城崩尋夫骸骨多難認嚙指血滴之入骨不可拭者知其為夫骨負之而歸至潼關筋骨

已竭知不能還家乃置骸巖下坐於傍而死潼關人重其節義立像而祀之

後漢

四 光烈陰皇后 古今列女傳

明 永樂皇帝命儒臣所編次也九三卷

光烈陰皇后諱麗華南陽新野人初光武適新野聞后羨心悅之後至長安見執金吾車騎甚盛因歎曰仕官當作執金吾娶妻當得陰麗華更始元年六月遂納后於宛當成里時年十九及光武為司隸校尉西之洛陽令后歸新野及鄧奉起兵后兄識為之將后隨家屬徙涪陽止奉舍光武即位令侍中傳

俊迎后與胡陽寧平主諸宮人俱到洛陽以后為貴人帝以后雅性寬仁欲崇以尊位后固辭以郭氏有子終不肯當故遂立郭皇后建武四年從征彭寵生顯宗於元氏九年有盜劫兼入殺后母鄧氏及弟訢音帝甚傷之乃詔大司空曰吾微賤之時娶於陰氏因將兵征伐遂各分離幸得安全俱脫虎口以貴人有母儀之美宜立為后而固辭弗敢當列於媵音妾朕嘉其義讓許封諸弟未及爵土而遭患逢禍母子同命音傷于懷小雅曰將恐將懼惟予與汝將安將樂汝轉棄予風人之戒可不慎乎其追爵謚音貴

人父陸為宣恩哀侯弟訢為宣義恭侯以弟就嗣哀侯後及尸柩音在堂使太中大夫拜授印綬如在國列侯禮魂而有靈喜其寤寐十七年郭公廢遂立為皇后后在位恭儉少嗜玩不嘉笑諛音性仁孝多矜慈七歲失父雖已數十年言及未嘗不流涕帝見常歎息顯宗即位尊后為皇太后永平三年冬帝從太后幸章陵置酒舊宅會陰鄧故人諸家子孫並受賞賜七年崩在位二十四年年六十合葬原陵明帝性孝愛追慕無已十七年正月當謁原陵夜夢先帝太后如平生歡既寤悲不能寐即案曆明日

吉遂率百官及故客上陵其日降甘露於陵樹帝令百官采取以薦會畢帝從席前伏御牀視太后鏡奩音中物感動悲涕令易脂澤裝具左右皆泣莫能仰視焉

五 和熹鄧皇后

古今列女傳

和熹鄧皇后諱綏音太傅禹之孫也父訓護羌校尉母陰氏光烈皇后從弟女也后年五歲太傅夫人愛之自為剪髮夫人年高目冥誤傷后額忍痛不言左右見者怪而問之右曰非不痛也太夫人哀憐為斷髮難老人意故傷忍之耳六歲能史書十一通詩論

語諸兄每讀經傳輒下意難問志在典籍不問居家之夏母常非之曰汝不習女工以供衣服乃更務學寧當奉博士耶后重違母言晝修婦業暮誦經典家人號曰諸生父訓異之夏無大小輒與詳議永元四年當以選入會訓卒后晝夜號泣終三年不食鹽菜惟悴毀容親人不識之后嘗夢捫天蕩々正青若有鐘乳狀乃仰漱飲之以訊諸占夢言堯夢攀天而上湯夢及天而咭音之斯皆聖王之前占吉不可言又相者見后驚曰此成湯之法家人竊喜而不敢宣后緝父陵音該言嘗聞活千人者子孫有封兄訓為謁

者使修石臼河歲活數千人天道可信家必蒙福初
太傅禹歎曰吾將百萬之衆未嘗妄殺一人其後世
必有興者七年后復與諸家子俱選入宮后長七尺
二寸姿顏姝_音麗絕異於衆左右皆驚八年冬入掖
音庭為貴人時年十六恭肅小心動有法度承夏陰
后夙夜戰兢接撫同列常克己以下之虽宮人隸役
皆加恩借帝深嘉愛焉及后有疾特令后母兄弟入
侍_音醫菜不限以日數后言於帝曰宮禁至重而使外
舍久在內省上令陛下有_音幸私之譏下使賤妾獲不
知足之謗上下交損誠不願也帝曰人皆以數入為

采貴人反以為憂深自抑損誠難及也每有_音燕會
諸姬貴人競自修整簪珥光采_音袿裳鮮明而后獨
著素裝服無飾其衣有與陰后同色者即時解易若
並時進見則不敢正坐離立行則_音僂身自早帝每
有所問常逡巡後對不敢先陰后言帝知后芳心曲
体歎曰修德之勞乃如是乎後陰后漸踈每常御見
輒_音辭以疾時帝數失皇子后憂繼嗣不廣恒垂涕歎
息數選進才人以博帝意陰后見后德称日盛不知
所為遂造祝詛欲以為害帝嘗寢病危甚陰后密言
我得意不令鄧氏復有遺類后聞乃對左右流涕言

曰我竭誠盡心以夏皇后竟不為所祐而當獲罪於
天婦人雖無從死之義然周公自請武王之命越姬
心誓必死之分上以報帝之恩中以解宗族之禍下
不令陰氏有人承之譏即欲飲紫宮人趙王者固禁
之因詐言厲有使來上疾已愈后信以為然乃止明
日帝果瘳抽音十四年夏陰后以巫蠱音夏廢后請救
不能得帝便屬意焉后愈称疾薦深自閉絕會者司
奏建長秋宮帝曰皇后之尊與朕同躰承宗廟母天
下豈易哉唯鄧貴人德冠後庭乃可當之至冬立為
皇后辭讓者三然後即位手書表謝深陳德薄不足

以充小君之選是時方國貢獻競求珍麗之物自后
即位悉令禁絕凡鷹音終帝世不過虎賁音中郎將
元興元年帝崩長子平原王有疾而諸皇子未歿前
後十數後生者輒隱秘養於人間殤傷帝生始百日
后乃迎立之尊后為皇太后太后臨朝和帝葬後宮
人並級園太后賜周馥貴人策曰朕與貴人託配後
庭共歡等列十有餘年不獲福祐先帝早棄天下孤
心音策音瓊靡所瞻仰夙夜永懷感愴音創音癸甲今當以
旧典分級後園慘結增歎音之詩曷能喻焉其賜
貴人王青蓋車采飾輅音路音駿音馬各一駟黃金三十

介雜帛三十匹白越四千端又賜馮貴人王赤綬以
系有頭上步搖環珮加賜各一具是時新遭大憂法
禁未設宮中亡太珠一篋太后念欲考問必有小事
乃親閱音宮人觀察顏色即時首服又和帝幸人言
成御者共枉音吉成以平蓋度遂下掖庭考訊音辟證明
白太后以先帝左右待之有恩平日尚無惡言今及
若此不合人情更自呼見實音寢音果御者所為莫不
歎服以為聖明常以鬼神難徵音泮祀無福乃詔有司
罷諸祠官不合典禮者又詔赦除建武以來諸犯妖
惡及馬賣家屬所被禁錮音固者皆復之為平人音減木

官道官尚方內者服御珍膳靡麗難成之物自非供
陵廟稻梁米音不得導音挾朝音夕一肉飯而已曰大官湯
官經用歲且二千萬太后勅止日殺省珍費自是裁
數千萬及郡國所貢皆減其過半悉斥音賣上林鷹犬
其蜀漢釳音器九帶佩力並不復調止畫工三十九
種又御府尚方織室錦繡水紈綺縠金銀珠玉犀象
瑋音瑁彫鏤音翫弄之物皆絕不作離宮別館儲峙
音遲上米糈音薪炭悉令省之又詔諸園貴人其宮人
有宗室同族若羸音老不任使者令園監實音覈上名
自御北宮增喜觀閱問之恣其去留即日免遺者五

六百及殤帝崩太后定策立安帝猶臨朝政以連
遭大憂百姓苦役殤帝康陵方中秘藏及諸工作夏
夏減約十分居一詔告司隸校尉河南尹南陽太守
曰每覽前代外戚賓客假借威權輕薄詔宗去詞音
至有濁亂奉公為人患苦咎在執法急懈不輒行其
罰故也今車騎將軍隲等雖懷敬順之志而宗門廣
大姻戚不少賓客姦猾多干禁憲其明加檢勅勿相
容護自是親屬犯罪無所假貸太后愍陰氏之罪廢
赦其徙者歸鄉勅還資財五百餘萬永初元年爵號
大夫人為新野君萬戶供湯沐邑二年復京師早親

幸洛陽寺錄寃獄有囚實不殺人而被考自誣羸困
輿見畏吏不敢言將去奉頭若欲自訐太后察視竟
乏即呼還問狀具得枉實即時放洛陽令下獄抵上
罪聲行未還宮澍雨大降三年秋太后體不安左右
憂惶禱請祝辭願得代命太后聞之即譴怒切勅掖
庭令以下但使謝過祈其音福不得妄生不詳之言舊
夏歲終當享遣衛士大儼那音逐疫役音太后以陰陽不
和軍旅數興詔饗會勿設戲作樂城逐疫音偃音子之
半悉罷象橐音駝音之屬豐年復故太后自入宮掖
從曹大家受經書兼天文等數晝省王政夜則誦讀

而患其謬音繆誤懼乖典章乃博選諸儒劉珍等及博士議郎四府掾史五十餘人詣東觀讎校傳記夏畢秦御賜葛布各有差又詔中官近臣於東觀受讀經傳以教授官人左右習誦朝夕濟音濟及新野君薨太后自侍疾病至乎終盡憂哀毀損復加於常贈以長公主赤綬東園秘器玉衣繡衾又賜布三萬匹錢三十萬鷹等遂固讓錢布不受使司空持節護喪夏儀比東海恭王謚曰敬君太后諒闇同菴既終久旱太后比三日幸洛陽錄囚從理於死罪三十六人耐罪八十人其餘減罪死右趾已下至司寇七年正月初八

太廟音廟七日賜公卿百僚各有差康成謁宗廟率命婦群妾相禮儀與皇帝交獻親薦成禮而還因下詔曰凡供薦新味多非其節或鬱音鬱養強熟或穿握萌牙味無所至而太折生長豈所以順時育物乎傳曰非其時不食自今當奉祠陵廟及給御者皆順時乃上凡所省二十三種自太后臨朝水旱十載四夷外侵盜賊內起每聞人飢或達旦不寐而躬自戒撤以救災阮音故天下復平歲還豐穰音穰永寧二年二月寢病漸篤乃乘輦於前殿見侍中尚書因北至太子新所繕宮還大赦天下賜諸園貴人玉主群僚錢布各

有差詔曰朕以無德託母天下而薄祐不天早離大
憂廷平之際海內無主元元危運危於累卵勤苦
心不敢以萬乘為樂上欲不欺天愧先帝下不違人
負宿心誠在濟度百姓以安劉氏自謂感徹天地當
蒙福祚而喪禍內外傷痛不絕頃以廢病沈滯久
不得待祠自力上原陵加歎逆唾血遂至不解存
亡太分無可奈何公卿百官其勉思恪以輔朝廷
三月崩在位二十年四十一合葬順陵

〔六〕程文矩妻音釋列女傳 福唐 陳伯全所收錄也 九三卷

漢中程文矩妻者同郡李法之姊也字穆姜有二男

而前妻四子文矩為安衆令喪於官四子以母非所
生憎毀日積而穆姜慈愛溫仁撫字益隆衣食資供
皆兼倍所生或謂母曰四子不孝甚矣何不別居以
遠之對曰吾方以義相導使其自遷善也及前妻長
子且遇疾困篤母惻隱自然親調藥膳恩情篤密與
疾久乃瘳於是呼諸弟謂曰繼母慈仁出自天受吾
兄弟不識恩恭禽獸其心雖母道益隆我曹過惡亦
已深矣遂同弟三人詣南鄭獄陳母之德將已之過
乞就刑辟關言於郡太守表異其母缺除家役遣散
四子許以脩葺自後訓導自明並為良士穆姜年八

十餘卒臨終勅諸子曰吾弟伯度智達士也所論薄
莖其義至矣又臨亡遺令賢聖法也令汝曹遵承勿
與俗同增吾之累諸子奉行焉

七 皇甫規妻

音釋列女傳

安定皇甫規妻者不知何氏女也規初喪室家後更
娶之妻善屬文能草書時為規答書記衆人恠其工
及規卒時妻年九盛而容色美後董卓為相國聞其
名聘以新輜百乘馬二十匹奴婢錢帛充路妻乃輕
服詣車門跪自陳情辭甚酸愴卓使傳奴侍者悉拔
刀圍之而謂曰孤之威教欲令四海風靡何有不行

於一婦人乎妻知不免乃立罵卓曰君羗胡之種毒
害天下猶赤足耶妾之先人清德奕世皇甫氏文武
上方為漢忠臣君親非其超使走吏乎敢欲行非禮
於爾君夫人耶卓乃引車庭中以其頭懸軌鞭撲交
下妻謂持杖者曰何不重乎速盡為惠遂死車下後
人圖畫號曰礼宗云

八

曹世奇妻

古今列女傳

扶風曹世奇妻者同郡班彪之女也名昭字惠班一
名姬博學高才世奇早卒有節行法度兄固著漢書
其八表及天文志未及竟而卒和帝詔昭踵中上而

成之數召入宮念皇后諸貴人師夏焉號曰大家永
初中太后兄大將軍鄧騭以母憂上書乞身太后不
欲許以問昭昭因上疏曰伏惟皇太后陛下躬盛德
之義隆唐虞之政闢四門而開四聰采狂夫之瞽
言納芻蕘之謀慮妾昭得以愚朽身當盛明敢不
披露肝膽以効萬一妾聞謙讓之風德莫大焉故典
墳述義神祇降福昔夷齊去國天下服其廉高太伯
違邪孔子稱為三讓所以光昭令德揚名于後者也
論語曰能以禮讓為國於政乎何有由是言之推
讓之誠其致遠矣今四舅深執忠孝引身自退而以

方垂未靜拒而不許如後有毫毛加於今日誠恐推
讓之名不可再得緣見逮及故敢昧死竭其愚情自
知言不足采以示與蠟音擬之赤心太后從而許之於
是隲等各還里第焉作女誡七篇有助內訓年七十
餘卒皇太后素服奉哀使者監護喪復所著賦頌銘
誄音壘問注哀辭書論上疏遺令凡十六篇子婦丁氏
為撰集之又作大家讚焉

九

王霸之妻

古今列女傳

大原王霸妻者不知何氏之女也霸少立高節光武
時連徵不仕妻亦義志行初霸與同郡令狐子伯為

友後子伯為楚相而其子為郡功曹子伯乃令子奉
書於霸車馬服從雍容如也霸子時方耕於野聞賓
至投耒音類而歸見令狐子沮怍音昨不能仰視霸目之
有愧容客去而久卧不起妻恠問其故始不肯告妻
請罪而後言曰吾與子伯素不相若向見其子容服
甚光華措有適而我兒曹蓬髮歷齒未知禮則見容
而有慙色父子息深不覺自失耳妻曰君少修清節
不顧榮祿今子伯之貴孰與君之高奈何忘宿志而
慙兒女子乎霸屈起而笑曰有是哉遂共終身隱遯
豚去

十一 樂羊子妻

古今列女傳

河南樂羊子之妻者不知何氏之女也羊子嘗行路
得遺金一餅還以與妻妻曰妾聞志士不飲盜泉之
水廉者不受嗟來之食况拾遺求利以汙其行乎羊
子大慙乃拾金於野而遠尋師學一年來皈妻跪問
其故羊子曰久行懷思無佗異也妻乃引刀趨機而
言曰此織生自蠶繭成於機杼音杼一絲而累以至於
寸累寸不已遂成丈匹今君斷斯織也則捐失成功
替廢時月夫子積學當日知其所以就懿德若中
道而斲何異斷斯織乎羊子感其言復還終業遂七

年不返妻常躬勤養姑又遠饋音羊子嘗有他舍鷄
謬入園中姑盜殺而食之妻對鷄不餐而泣姑恠問
其故妻曰自傷居貧使食有佗肉始竟棄之後盜有
欲犯妻者乃先劫其姑妻聞操刀而出盜人曰音汝
刀從我者可全不從我者則殺汝姑妻仰天而歎奉
刀刎頭而死盜亦不殺其姑太守聞之即捕殺賊盜
而賜妻縑帛以禮葬之號曰貞義

十一 鮑宣之妻

音釋列女傳

鮑宣之妻桓氏字少君宣嘗就少君父學父奇其清
苦故以女妻之裝送資賄甚盛宣不悅謂妻曰少君

生富驕習養飾而吾實貧賤不敢當礼妻曰大人以
先生脩德守約故使妾侍執巾櫛既奉承君子唯命
是從宣笑曰能如是是吾志也妻乃悉歸侍御服飾
更着短布裳與宣共挽鹿車歸鄉里拜姑礼畢提甕出
汲脩行婦道鄉邦稱之

十二

吳許升妻

音釋列女傳

吳許升妻者呂氏之女也字榮升少為博徒不理操
行榮嘗躬勤家業以奉養其姑數勸升脩學每有不
善輒流涕進規榮父積忿疾升乃呼榮欲改嫁之榮
嘆曰命之所遭義無離貳終不肯歸升感激自勵乃

尋師遠學遂以成名尋被本州辟命行至壽春道為盜所殺刺史尹耀捕盜得之榮迎喪於路聞而詣於州請甘心仇人耀聽之榮乃手斷其頭以祭升吳後郡遭寇賊々欲犯之榮踰垣走賊拔刀追之賊曰從我則生不從我則死榮曰義不以身受辱寇虜也遂殺之是日疾風暴雨雷電晦冥賊惶懼叩頭謝罪乃殯葬之

十三 麗涓之母

音釋列女傳

酒泉麗涓母者趙氏之女也字娥父為同縣人所殺而娥兄弟三人時俱病物故仇乃喜而自賀以為莫

已報也娥陰懷感憤乃潛備刀兵常帷車以候仇家十餘年不能得得遇於都亭刺殺之因詣縣自首曰父仇已報請就刑戮福祿長尹嘉義之解印綬欲與俱亡娥不肯去曰怨塞身死妾之名分結罪理獄君之常理何敢苟生以枉公法後遇赦得免州郡表其廬大常張奐與嘉嘆以束帛禮之

十四 劉長卿妻

音釋列女傳

沛劉長卿妻者同郡桓鸞之女也生一男五歲而長卿卒妻防遠嫌疑不肯歸寧兒年十五晚又夫歿妻慮不免乃緣割其耳以自誓宗婦相與慰之共謂曰

若家殊無他意假令有之猶可因姑姊妹以表其誠
何貴義輕身之甚哉對曰昔我先君五更學為儒宗
尊為帝師五更以來歷代不替男以忠孝顯女以身
順補詩云無忝爾祖聿脩厥德是以豫自刑剪以明
我情沛相王吉上奏高行顯其門閭號曰行義相發
縣邑有祀必膳焉

十五 陰瑜之妻 音釋列女傳

南陽陰瑜音瑜妻者潁川荀爽之女也名采字女荀聰
明有才藝年十七適陰氏十九產一女而瑜卒采時
尚年少常慮為家所逼自防禦甚固後郡郭奕喪妻

爽以采許之因詐稱疾篤召采既不得已而歸煖又
自執爽令傅婢執奪其刃扶抱載之猶憂致憤激救
衛甚嚴女既到郭氏乃偽為歡悅之色謂左右曰我
本立志與陰氏同穴而不免逼迫遂至於此素情不
遂奈何乃使建四燈盛裝飾請奕入相見共談言辭
不驟奕敬憚之遂不敢逼至暝而出采因勅令左右
辦浴既入室而掩戶權令侍人避之以粉書扉上曰
尸還陰之字未及書懼有來者遂以衣帶自縊左右
覩之不為意比視氣已絕時人傷焉

十六 孝女曹娥 閩範圖集

漢曹娥曹肝之女也世居昌之西知義理事父母孝
一日山澗水漲父乘竹筏欲度娥以水漲難濟恐父
溺沮之不從行至中流而溺娥哀慟不顧身投水尋
父三日抱屍而浮里人憐其為父而死收二屍殯塋
之九九年莫之有表郡守度尚設祭誅之立碑建祠
閩範圖集

十七 姜詩之妻

閩範圖集

漢姜詩事母至孝妻龐氏奉姑猶謹母性好飲江水
妻出汲奉之姑嗜魚常負魚作膾召鄰母共食舍側
忽有湧泉味如江水日躍雙鯉特取以供母膳

十八 張氏孝婦

閩範圖集

漢張氏婦東海下邳人也少寡無子家道徹貧紡績
事姑不肯他適其姑告鄰人曰此婦事我敬謹我哀
其無子守寡經年我衰老累孝婦奈何其後母自經
死母女告於官曰張婦殺姑郡守不辯其孝竟置於
法殺之郡中柿旱三年後郡守卜其故於公曰孝婦
無辜前守強刑之以致此咎於是殺年致祭孝婦之
墓天乃甘雨連日田畝霑足歲即大熟

十九 盛道之妻

三綱行實

明

宣德辛亥朝鮮國臣僕
權所編也九三卷

盛道妻趙氏字媛姜建安五年益部亂道聚眾起兵
事敗夫妻執繫當死媛姜夜中告道曰法有常刑必

無生望君可速潛逃建立門戶妾自留獄代君塞各道依違未從媛妻便解道桎梏為齎糧貨子翔年五歲使道攜持而走媛妻代道持夜應對不失度道已遠乃以實告吏應時見殺道父子會赦得歸道感其義終身不娶

晉

三十四 文明皇后

音釋列女傳

文明皇后諱元姬東海郟音人人也父肅魏中領軍蘭陵侯后年八歲誦詩論尤善喪服苟有文義目所見必貫於心年九歲遇母疾扶持不捨左右衣不解

帶者父之每先意候指動中所適由是父母令攝家事每盡其理祖朗甚愛異之曰興吾家者必此女也惜不為男矣年十二朗薨后哀戚哭泣發於自然其父益加敬異既笄歸于文帝生武帝及遼東悼王定國齊獻王攸城陽哀王北廣漢陽王廣德京兆公主后事舅姑盡婦道謙冲接下嬪御有序及居父喪身不勝哀言與淚俱時鍾會以才能見任后母言於帝曰會見利忘義好為事端寵過必亂不可大任會後果及武帝受禪尊為皇太后宮曰崇化初置宮卿后雖處尊位不忘素業躬執紡績器服無文御浣完上

濯之衣食不參味而敦睦九族垂心萬物言必典禮
浸潤不行四年后崩時年五十一合葬崇陽陵

〔九〕愍懷太子妃 三綱行實

愍懷太子妃王氏太尉衍之女字惠風貞婉有志節
太子既廢居于金墉行請絕婚惠風號哭而歸行路
為之流涕及劉曜陷洛陽以惠風賜其將喬廣令將
妻之惠風拔劍距厲曰吾太尉女皇太子妃義不為
逆胡所辱屬遂害之

〔十〕陶侃之母 古今列女傳

陶侃母湛氏豫章新淦音人也初侃父丹媪為妾生

侃而陶氏貧賤湛氏每紡績資給之使交結勝已侃
少為潯陽縣吏嘗監魚梁以一坩音鮓遺母湛氏封
鮓及書責侃曰尔為吏以官物遺我非唯不能益吾
乃以增吾憂矣鄙陽孝廉范逵寓宿於侃時大雪湛
氏乃徹所卧新薦自剝音給其馬又密截音入音發賣
與鄰人供肴饌逵聞之歎息曰非此母不生此子後
侃竟以功名顯赫於當時

〔十一〕梁縉之妻 音釋列女傳

梁縉妻辛氏陝西狄道人也縉為散騎常侍西都陷
沒為劉曜所害辛氏有殊色曜將娶之辛氏掘地大

哭仰謂曜曰妾聞忠臣不事二君列女不醜二夫妾夫已死理無獨全且婦人再辱明公亦安用哉乞即就死下事舅姑遂號哭不止曜曰貞女也任之乃自縊而死曜以禮葬

〔廿四〕 虞潭母

古今列女傳

虞潭母孫氏吳郡富春人孫權族孫女也初適潭父忠恭順貞和甚有婦德及忠亡遺孤藐尔孫氏雖少誓不改節躬自撫養劬勞備至性聰敏識鑒過人潭始自幼童便訓以忠義故得聲望允洽為朝廷所稱永嘉末潭為南康太守值杜弼構逆率衆討

之孫氏勉潭以必死之義俱傾其資產以餽戰士潭遂尅蘇峻作亂潭時守吳興又假節征峻孫氏戒之曰吾聞忠臣出孝子之門汝當捨生勿以吾老為慮也仍尺發其家僮令隨潭助戰賀其所服環佩以為軍資于時會稽內史王舒遣子允之為督護孫氏又謂潭曰王府君遣兒征汝何為獨不潭即以子楚為督護與允子合勢其憂國之誠如此拜武昌侯大夫人加金章紫綬潭立養堂於家王導以下皆就拜謁咸和末卒年九十五成帝遣使吊祭謚曰定夫人

九五 賈渾之妻 三綱行實

賈渾妻宗氏不知何許人渾為介休令被劉淵將喬晞攻破死之宗有姿色晞欲納之宗罵曰屠各奴豈有害人之夫而欲加無禮於爾安乎何不速殺我因仰天大哭晞遂害之年二十餘

九六 許延之妻 三綱行實

許延妻杜氏不知何許人延為益州別駕為李驥所害驥欲納杜為妻杜號哭守夫尸罵驥曰汝輩逆賊無道死有先後寧當久活我杜家女豈為賊妻也驥怒遂害之

九七 張天錫妻 三綱行實

張天錫妻閻氏薛氏並不知何許人咸有寵於天錫天錫寢疾謂之曰汝二人將何以報我吾死後豈可為人妻邪皆曰尊若不諱妻請効死供洒掃於地下誓無他志及其疾篤二姬皆自刎天錫疾瘳追悼之以夫人禮葬焉

九八 符登之妻 三綱行實

符登妻毛氏不知何許人壯勇善騎射登為姚襄所襲營壘既陷毛猶彎弓跨馬率壯士數百與襄交戰殺傷甚多衆寡不敵為襄所執襄欲納之毛罵曰吾

天子后豈為賊先所辱何不速殺我因仰天大哭曰
妹長無道前殺天子今辱皇后皇天后土寧不鑑照
長怒而殺之

廿九 吕纂之妻 三綱行實

吕纂妻楊氏姿艷有義烈纂被吕超所殺楊與侍婢
十數人殯纂于城西將出宮超慮齎珍室出外使搜
之楊厲声責超曰爾兄才不相和睦手及相屠我且
夕死人何用金宝為超慙而退又問楊氏玉璽所在
楊怒曰盡毀之矣超將妻之謂其父桓曰后若自殺
禍及卿宗桓以告楊氏楊曰大人本賣女與氏以圖

富貴一之謂甚其可再乎乃自殺

三十 吕紹之妻 三綱行實

吕紹妻張氏有操行年十四紹死吕隆見而悅之欲
穢其行張曰誓不受辱遂升樓自投於地二脛俱折
俄然而死

卅一 韋母宋氏 閩範圖集

韋逞母宋氏不知何郡人也家世以儒學稱宋氏幼
喪母其父躬養之及長授以周官音義謂之曰吾家
世學周官傳業相繼此又周公所制經紀典誥百官
品物備於此矣吾今無男可傳汝可受之令勿絕世

屬天下喪亂宋氏諷誦不綴其後為石季龍徙之於
山東宋氏與夫在從中推鹿車背負父所授書到冀
州依膠東富人程安壽壽養護之遲時年小宋氏晝
則樵採夜則教誨然紡績無廢壽每歎曰學家多士
大夫得無是乎遲遂學成名立仕符堅為太常堅嘗
幸其大學問博士經典乃憫禮樂遺闕時博士盧壹
對曰廢學既久書傳零落比季綴撰正經粗集唯周
官禮注未有其師竊見太常韋遲母宋氏世學家女
傳其父業得周官音義今季八十視聽無闕自非此
母無以傳授後生於是就宋氏家立講堂置生員百

二十人隔紗幔而受業號宋氏為宣文君賜侍婢
妾十人周官學復行於世時稱遲母宋氏焉

劉宋

世二

衛敬瑜妻

三細行實

衛敬瑜早喪妻李氏年二十而寡父母欲嫁強之不
從遂剪髮跣足誓不改適所居有雙燕巢之一日忽
雌燕孤飛李感之謂曰能如我乎因以縷誌其足明
年復來孤飛如故食李之飯棲李之室若是者數
李作詩曰昔年無偶去今春還獨歸故人情意重不
忍更雙飛又明年來則李已死燕於其舍哀鳴不已
人義之告已死及葬處即徑往墓哀鳴不食而死人

困委之於傍號曰燕冢夏文類聚李氏作塀王京

元魏

魏溥之妻

古今列女傳

鉅鹿魏溥普音妻房氏者慕容垂貴鄉太守常山房湛女也幼有烈操年十六而溥遇疾且卒顧謂之曰死不足恨但痛母老家貧赤子蒙眇抱怨於黃壚耳房垂泣而對曰幸承先人餘訓出處君子義在偕老有恙不從蓋其命也今夫人在堂弱子襁褓顧當以身少相感永深長往之恨俄而溥卒及將大歛房氏操刀割无耳入之棺中乃曰鬼神有知相期泉壤流血

關絕集
子緝生
之下有
未十旬
鞠育於
後房內
未嘗出
門終身
不聞絲
竹十九
字義更
明

滂然助喪者哀懼姑劉氏輟哭而謂曰新婦何至於此對曰新婦少季不幸早寡寔慮父母未量至情親真持此自誓耳聞知者莫不感愴於時子緝生不預座席緝季十一房父母仍存於是歸寧父兄尚有異議緝竊聞之以啓其母房命駕給云佗行因而遂歸其家弗之知也行數十里方覺兄弟未進房哀歎而不反其執意如此訓導一子有母儀法度緝所交遊有名勝者則身具酒饌有不及已者輒屏卧不殮須其悔謝乃食善誘嚴訓類皆如此季六十五而終緝子悅後為涪陰太守吏民立碑頌德金紫光德大夫高

閭為其父曰爰乃處士邁疾夙凋伉儷秉志識茂行高踐形顯操誓敢久要溥未仕而卒故云處士焉

世四 房愛親妻 音釋列女傳

清河房愛親妻崔氏者同郡崔元孫之女也性嚴明有高節歷覽書傳多所聞知親授子景伯景光九經義學行脩明並當世名士景伯為清河太守每有疑獄嘗先請焉見立人列子不孝吏欲案之景伯為之悲傷入白其母母曰聞名不如見面小人未見禮教何足責哉但呼其母來吾與之同居其子置左右令見汝事吾或應自改景伯遂召其母崔氏處之於榻

與之共食景伯為之溫清其子侍立堂下未及旬日悔過求還崔氏曰此雖顏慙未知心愧且可置之凡經二十餘日其子叩頭流血其母涕泣乞還然後聽之終以孝聞其識度勵物如此後竟以壽終

世五 涇州貞女 音釋列女傳

涇州貞女倪氏者許嫁彭老生為妻聘幣既畢未及成禮倪氏率行貞淑居貧常自谷汲以養父母老生輒往逼之女曰與君聘命雖畢二門多故未及相見何由不稟命父母擅見凌辱若苟行非禮正可身死耳遂不肯從老生怒而刺殺之取其衣服女尚能言

臨死謂老生曰生身何罪與君相遇我所以執節自
固者寧更有所要正欲奉給君耳今反為君所殺若
魂靈有知自當相報言終而絕老生持女衣服珠纓
至其叔宅以告叔曰此是汝婦奈何而殺之天不祐
汝遂執送官大和七年有司劾其死罪詔曰老生不
仁侵凌貞淑原其強暴便可戮之而女守禮履節沒
身不改雖處草莽行合古跡宜賜養名以顯風操其
標墓旌善號曰貞女

卅六 封卓之妻 三綱行實

渤海封卓妻劉氏成婚一夕卓官於京師以夏伏法

劉在家忽然夢想知卓已死哀泣不輟經旬凶問果
至遂憤歎而死中昏令高允念其義高為詩以悼之
詩云

良人仕宦在王京 劉氏居家抱至情
夢裏忽然知伏法 果然凶問自捐生
渤海蒼茫隔鳳城 伊人入夢感精誠
從來婦行如君少 端合高公切歎驚

梁

卅七 夫人洗氏 閩範圖集

夫人南越洗氏女梁大同初適高梁太守馮普寶藉

其力用能約束諸蠻夷會高廣二州叛夫人將兵平之陳永定初勅命為石龍太夫人賜繡幃鹵簿如刺史儀後陳亡嶺南諸郡悉附夫人隋高祖因遣使遺夫人書且以故所獻陳主犀杖為信夫人乃為泣哭陳主三日而後遣其孫暄迎隋師嶺南於是傳檄定後番禺反夫人授其孫盎方略破之高祖嘉其績拜兩孫俱刺史追贈室為譙國公而進洗為譙國夫人開幕府賜物累數千尋又以招諭諸夷功賜湯沐邑千五百戶卒謚誠敬至今高梁人廟祀之

魏

此二傳編入于後漢之後唐書誤在此

卅八 曹文叔妻

閩範圖集

魏曹文叔妻名令女因夫死年少無子恐家必嫁乃斷髮截耳為信及曹氏盡死父母強迎歸諷之嫁令女復割其鼻或謂曰人生在世如輕塵棲弱艸耳何乃自苦令女曰仁者不以盛衰改節義者不以存亡易心禽獸之行吾豈為之

隋

卅九 襄城王恪妃

三細行實

襄城王恪妃循州刺史柳且女也姿貌端麗年十餘聘為妃未幾而恪被廢妃備婦道克之愈敬煬帝嗣

位復徙邊令使者殺之於道恪與婦訣妃曰若王死妾誓不獨生於是相對慟哭恪死棺斂訖妃謂使者曰妾誓與楊氏同穴若身死得不別埋君之惠也遂掩棺踰慟自經而卒見者莫不流涕

四十 華陽王楷妃

三綱行實

華陽王楷妃黃門侍郎元巖女也有姿色性婉順以選為妃未幾而楷被幽廢妃事楷愈謹每見楷有憂懼色輒陳義理以慰諭之楷甚敬焉及江都之亂楷遇害宇文化及以妃賜其黨元武達武達逼之妃自誓不屈武達怒撻之百餘詞色彌厲乃自毀其面血

淚俱下武達歎之妃謂其徒曰我不能早死致命將見侵辱我之罪也因不食而卒

四一 鄭善果母

古今列女傳

鄭善果母崔氏者津河人也年十三適宋陽鄭誠生善果周末誠討遲迥力戰死于陳母年二十而寡父彥瞻欲慰奪其志母抱善果曰婦人無再見男子之義且鄭君雖死幸有此兒棄兒為不慈昔死夫為無禮寧當割耳剪髮以明妻心違禮滅慈非敢聞命善果以父死五事年數歲拜使持節大將軍襲爵開封縣公開皇初進封武德郡公年十四授沂州刺史轉

景州刺史尋為魯郡太守母性賢明有節操博涉書
史通曉政事每善果出聽事母輒坐胡床於鄣後察
之聞其剖斷合禮則大悅即賜之坐相對談笑若
行夏不允或妄瞋怒母乃還堂蒙袂而泣終日不食
善果伏於床前不敢起母方起謂之曰吾非怒汝乃
愧汝家耳吾為汝家婦獲奉洒掃知汝先君忠勤之
士也守官清恪未嘗問私以身殉國繼之以死吾亦
望汝副父此心汝既年小而孤吾寡婦耳有慈無威
使汝不知禮訓何可負荷忠臣之業乎汝自童子義
襲第土位至方伯豈汝身致之邪安可不思此度而

妄加瞋怒心緣驕樂墮於公政內則墜尔家風或亡
失官爵外則虧天子之法以取罪戾吾死之日亦何
面自見汝先人於地下乎母恒自紡績夜分而寐善
果曰兒封侯闕國位居三品秩俸幸足母何自勤如
是耶荅曰嗚呼汝年已長吾謂汝知天下之理今聞
此言故猶未也至於公復何由濟乎今此秩俸乃是
天子報尔先人之狗命也當湏散贍六姻為先君之
惠妻子奈何獨擅其利以為富貴哉又絲枲紡織婦
人之務上自王后下至大夫士妻各有所製若墮業
者是為驕逸吾雖不知禮其可自敗名乎自初宣便

不御脂粉常服大練性又節儉非祭禮賓客之食酒
肉不妄陳於前靜室端居未嘗輒出門閤內外姻戚
有吉凶復但厚加贈遺皆不詰其家非自手足及莊
園祿賜所得雖親族禮遺悉不許入門善果歷任州
郡惟內自出饌於衛中食之公廨所供皆不許受悉
用脩治廨宇及分給寮佐善果亦由此克已号为清
吏煬帝遣御史大夫張衡勞之考為天下最徵授光
祿卿其母卒善果為大理卿漸驕恣清公平允遂不
如疇昔焉

四三 裴倫之妻

古今列女傳

裴倫妻河東柳氏女也少有風訓大業末倫為涇源
令屬薛舉之亂縣城為賊所陷倫遇害柳時年四十
有二女及兒婦三人皆有義色柳氏謂之曰我輩遭
逢禍亂汝父已死我自念不能全汝我門風有素儀
不受辱於群賊我將與汝等同死如何其女等皆垂
泣曰唯母所命柳氏遂自投于井其女及婦相繼而
下皆重死於井中

四三 孝女王舜

音釋列女傳

孝女王舜者趙郡人也父子春與從兄長竹不協齊
亡之際長竹與其妻同謀殺子春舜時年七歲有二

妹繁年五歲璠年二十歲並孤苦寄食親戚舜撫育二
妹恩義甚篤而舜陰有復仇之心長忻殊不為俗妹
俱長親戚欲嫁之輒拒不從乃密謂二妹曰我無兄
弟致使父仇不復吾輩雖女子何用生為我欲共汝
報復汝意何如二妹皆垂泣曰唯姊所命夜半姊妹
各持刀踰墻入手殺長忻夫婦以告父墓因詣縣請
罪姊妹爭為謀首州縣不能決文帝聞而嘉之特原
其罪

四四 覃氏孝婦 音釋列女傳

孝婦覃氏者上郡鍾氏婦也與夫相見未幾而夫死

時年十八事姑以孝聞年餘姑及伯叔皆相繼而死
覃氏家貧無以葬躬自節儉晝夜紡織十年而葬八
喪為州里所敬文帝聞而賜米百石表其門閭

四五 趙元楷妻 古今列女傳

趙元楷妻崔氏者清河人也甚有禮義隋末宇文化
及之反元楷隨至河北將啟長安至滏口遇盜僅以
身免崔氏為賊所拘請以為妻崔氏曰我士大夫女
為僕射子妻今日破亡自可即死終不為賊婦群賊
毀裂其衣縛於牀簣上將陵之崔氏懼為所辱詐之
曰今力已屈當受處分賊遂殺之妻因取賊刀倚樹

而立曰欲殺我任加刀銘若不死可來相逼賊大怒
亂射殺之元楷後得殺妻者支解以祭崔氏之柩

唐

四六 高祖竇皇后

古今列女傳

高祖大穆順聖皇后竇氏京兆平陵人父毅音在周
為上柱國尚武帝姊襄陽長公主入隋為定州總管
神武公后生髮垂過頸經上三歲與身等讀女誡列
女等傳一過輒不忘武帝愛之養官中異宅甥時突
厥女為后無寵后密諫曰吾國未靖虜且強願抑情
撫接以取合從則江南關東不吾梗更上武帝嘉納

及崩哀毀同所生聞隋高祖受禪自投牀下曰恨我
非男子不能採音舅家禍毅遽掩其口曰毋妄言亦
吾族常謂主曰此女有奇相且識不凡何可妄與人
因畫二孔雀屏間請昏者使射二矢陰約中目則許
之射者閱數十皆不合高祖最後射中各一目遂飯
於帝始元貞太后羸老有疾而性素嚴諸妙姊皆畏
莫敢侍后事之獨怡謹及孝或淹月不叙衣履工為
篇章規識文有雅體又善書與高祖書相雜人不辨
也崩於涿音郡年四十五帝在煬帝時多畜善馬后
見曰上性樂此益音以獻徒留之速罪無益也不聽

頃果坐謹帝後見隋政亂多妄誅殛棘音乃為自安計
數奏鷹犬異豹煬帝果喜擢位將軍因泣謂諸子曰
早用而母言得此久矣帝有天下詔即所華園為壽
安陵謚曰穆及祔音祔祔陵尊為太穆皇后始太宗生
有二龍之符后於諸子中愛視最篤後即位過慶善
宮覽觀哽歔音顧侍臣曰朕生於此今母后永違育
我之德不可報因號慟左右皆流涕乃享后于正寢
宅日幸九成宮夢后若平生既悟潛音然不自勝明
日詔有司大發倉賑音貧瘠籍音以為后報焉上元中
益謚太穆神皇后

四

太宗長孫皇后

古今列女傳

太宗文德順聖皇后長孫氏河南洛陽人其先魏拓
跋音氏後為宗室長因號長孫高祖稱音太丞相
馮翊音王曾祖裕平原公祖兗音左將軍父晟音盛字
季涉經史趨音駑音至曉兵仕隋為左驍衛將軍后喜
圖傳視古善惡以自鑒矜尚禮法晟兄熾音熾為周通
道館學士嘗聞太穆勸撫突音厥音入厥女心誌之語晟
曰此明睿音人必有奇子不可以不圖昏故晟以女
太宗后般寧音高士廉妾見大馬二丈立后舍外懼
占之遇坤之泰卜者曰坤順承天載物無疆馬地類

也之泰是天地交而萬物通也又以輔相天地之宜
繇音カク音怙音ハク級音キツ妹音メイ婦人夏也女處尊位履甲而居音カク后
妃象也時隱太子音カク豐音フ去音カク關音カク入音カク已構后内尺孝夏
高祖謹承諸妃消歎嫌猜及帝授甲官中后親慰勉
士皆感奮音カク去音カク尋為皇太子妃俄為皇后性約素服
御取給則止益觀書雖容櫛音カク入音カク不少廢與帝言或
及天下事辭曰牝音カク上音カク鷄司晨家之窮也可乎帝固
要之訖不對後廷有被罪者必助帝怒請繩治俟意
解徐為開治終不令有冤下嬪音カク生豫章公主而死
后視如所生媵音カク侍疾病輟音カク所御飲藥資之下懷

其仁兄無忌於帝本布衣交以佐命為元功出入卧
内帝將引以輔政后固謂不可乘間曰妾託體紫宮
尊貴已極不願私親更搆權干朝漢之呂霍可以為
誠帝不聽自用無忌為尚各僕射音カク后密諭令牢讓
帝不獲已乃聽后喜見顏間異母兄安業無行父喪
逐后無忌還外家后貴未嘗以為言擢位將軍後與
李孝常等謀反將誅后叩頭曰安業罪死無赦然向
遇妾不以慈戶知之今論如法人必謂妾殺憾音カク去
於兄無乃為帝累乎遂得戒音カク越音カク嵩音カク太子承乾乳
媪音カク請增東宮什器后曰太子患無德與名器何請

為從幸九成宮方屬疾會紫紹等急變聞帝甲而起
后輿疾以從官司諫止后曰上震驚吾可自安疾稍
亟棘音太子欲請大赦沉度道人被拂音塞災會后曰死
生有命非人力所支若修福可延吾小為惡使善無
效我尚何求且赦令國大復佞老異方教耳皆上所
不為豈宜以吾亂天下法太子不敢奏以告房玄齡
玄齡以聞帝歎羨而群臣請遂赦帝既許后固爭止
及疾漸與帝訣時玄齡小讀就第后曰玄齡久夏陛
下預奇計秘謀非大故願勿置也妾家以恩澤進無
德而祿易以取禍無屬樞柄以外戚奉朝請足矣妾

生無益於時死不可以厚葬願因山為壙無起墳無
用棺槨器以瓦木約費送終是妾不見忘也又請帝
納忠客諫勿受諛音遊音改音作役死無恨崩年卅六
后嘗采古婦人事著女則十篇又為論斥漢之馬后
不能檢抑外家使與政事乃戒其車馬之後此謂閑
本源恤未夏常誠守者吾以自檢故書無條理勿令
至尊見之及崩官司以聞帝為之慟示近臣曰后此
書可用毋後我豈不通天命而割貫乎顧內失吾良
佐哀不可已已謚曰文德葬昭陵因九嶷音山以成
后志帝自著表序始末揚陵左上元中益謚文德聖

皇后

四八 太宗賢妃 古今列女傳

太宗賢妃徐惠，湖州長城人。生五月，能言。四歲，通論語詩。八歲，自曉屬文。父孝德，試使擬離騷為小山篇，曰：仰幽巖而流盼，撫桂枝以凝想。將千齡兮此遇，至何為兮獨往。孝德大驚，知不可掩，於是所論著遂盛傳。太宗聞之，召為才人。手未嘗廢卷，而辞致贍蔚，文無淹思。帝益禮顧，擢孝德水部員外郎，惠再遷充容貞觀，未數調兵討定四夷，稍稍治宮室，百姓勞怨。惠上疏極諫，且言：東戍遼海，西討崑丘，士馬罷疲，耗去

聲漕饒餉漂沒，拾有冬之農趨，無窮之糶圖，未獲之衆喪已成之軍，故地廣者非常安之術也。人勞者為易，亂之符也。又言：翠微玉花等宮，雖因山藉水，無築構之苦，而工力和儻。不謂無煩有道之君，以逸逸入無道之君，以樂樂身。又言：伎巧為喪國斧，刀珠玉為蕩心醪，毒侈麗織表不可以不遏。安入志驕於業，泰體逸於時，安其剗切精請大畧如此。帝善其言，優賜之。帝崩，哀慕成疾，不肯進藥。曰：帝遇我厚，得先狗馬侍園寢，吾志也。復為詩連珠，以見意。永徽元年卒，年二十四。贈賢妃，陪葬昭陵右室。

四九 玄宗江采蘋 增補列女傳

明 鹿門茅坤所編也 凡八卷

江采蘋者莆田人唐元宗之妃也蘋九歲能誦二南語父曰我雖女子期以此為志父奇之故名采蘋開元中高力士選歸侍明皇大見寵幸善屬文自此謝女淡妝雅服而姿態明秀性喜梅所居悉植梅上因其所好戲名梅妃會揚太真寵盛竟為楊所遷于上陽東宮乃作樓東賦曰玉鑑塵生鳳奩香歎懶蟬髮之巧梳閑縷衣之輕練若寂寞于蕙宮但凝思乎蘭殿信標落之梅花隔長門而不見况乃花心颺恨柳眼弄愁煖風習習春鳥啾啾樓上黃昏兮聽鳳吹而

回首碧雲日暮芳樹素月而凝眸溫泉不到憶拾翠之舊遊長門深閉嗟青鸞之信條太液清波水光蕩浮笙歌賞燕陪從宸旒奏舞鸞之妙曲棄畫鷁之仙舟誓盟山海日月無休何奪我之愛幸斥我乎深宮欲相如之奏賦奈世才之不工屬愁吟之未盡已響動乎疎鐘空長嘆而掩袂躊躇步干樓東後死于祿山之變明皇悲之為甚君子謂采蘋為有辭詩云憂心悄悄愠于群小此之謂也

五〇 德宗賢妃 古今列女傳

德宗賢妃韋氏戚里舊族也祖濯尚定安公主初為

良娣德宗貞元四年册拜賢妃宮壺音夏無少聽而性敏淑言動皆有繩矩帝寵重之後官莫不師其行帝崩自表留奉崇園元和四年薨

五

順宗在憲皇后

古今列女傳

順宗在憲皇后王氏琅暗邪音人祖難得有功名於世代宗時后以良家選入宮為才人順宗在藩帝以才人幼故賜之為主孺人生憲宗順宗在東宮册為良娣后性仁順宮中化其德莫不柔雍順宗即位疾已綿頓后侍醫藥不少息將立后会病速而止憲宗受禪尊為太上皇后元和元年乃上尊號曰皇太后

后謹畏深抑外家無毫絲假貸訓厲內職有古后妃風十年崩年五十四葬豐陵

五

憲宗懿安皇后

古今列女傳

憲宗懿安皇后郭氏汾音陽王子儀之孫父曖音尚昇平公主實生后憲宗為廣陵王聘以為妃順宗以其家有大功列而母素貴故禮之異諸婦是生穆宗元和元年進册貴妃八年群臣三請之為后帝以歲子午忌章報聞罷穆宗嗣位上尊號皇太后贈曖太尉母齊國太長公主擢兄釗音刑部尚書鏐音金吾太將軍后移御興慶宮凡朔望三朝帝率百官詣宮

門為壽帝崩中人有為后謀稱制者后怒曰吾效武
氏耶今太子雖幼尚可選重德為輔吾何與外夏哉
敬宗立号太皇太后宰曆倉卒后召江王嗣皇帝位
是為文宗文宗性謹孝夏后有礼凡羞果鮮珍及四
方奇奉必先獻宗廟三官而後御之武宗喜畋游角
武抃音擇五坊小兒得出入禁中宅日問后起居從
容請曰如何可為盛天子后曰諫臣章疏宜審寬度
可用用之有不可以詢宰相毋拒直言勿納偏言以
忠良為腹心此盛天子也帝再拜還索諫章閱之徃
徃道游獵夏自是畋幸稀小兒武抃等不復橫賜矣

宣宗時崩有司上尊謚葬景陵外園懿宗咸通中從
礼官正皞音昊言詔后主祔憲宗廟

五三 寧王之妃 增神列女傳

寧王之妃者姓婁氏寧王宸濠之妃也妃性敏達事
至以理度之輒先知其成敗侍宸濠每盡規諫時
武廟喜遊畋宸濠內結中貴人及諸權要一日珠王
錦帛錯陳內庭妃請其用濠實指其人妃跪諫曰賄
賂公行非福也願千歲急止之濠不聽竟有異謀養
亡命造兵器妃聞之大駭會召燕陽春別院妃手不
及杯濠怪問之妃泣曰妾聞有德者王無德者亡又

此傳編入于國朝曆為者誤在此

聞兵出無名事故不成今千歲觀覲神器實不德矣
雖盛師旅利兵戈事何所成妾恐陽春之樂不能常
保反遺後悔乞千歲熟思焉濠不悅為之罷飲後喪
敗鄱陽妃投水死濠就擒於車北上哭謂守者曰昔
紂用婦言而亡天下我不用婦言而亡家國悔恨何
及蓋婁妃先知宸濠之必敗君子謂其為知廢傳曰
國家將亡必有妖孽不善必先知之婁妃之謂也

五四 楚王靈龜妃 古今列女傳

楚王靈龜妃上官氏秦州上邽音人父懷仁右金吾
將軍上官年十八皈于靈龜繼楚哀王後而舅姑具

存朝夕侍奉恭謹殊甚凡有新味非經獻不先嘗靈
龜薨將葬前妃聞氏嫁不踰年而卒又無近族罷議
欲不舉之上官氏曰逝者有知魂可無託乎乃備禮
合葬聞者嘉歎服除諸兄弟謂曰妃年尚少又無所
生改醮異門禮儀常範妃可思之妃掩泣對曰丈夫
以義烈標名婦人以守節為行未能即先犬馬以徇
溝壑寧可復飾粧服有佗志乎邊將截鼻割耳以自
誓諸兄弟知其志不可奪歎息而止尋卒

五五 唐夫人 閨範圖集

唐崔山南曾祖母長孫夫人年高無齒祖母唐夫人

每日櫛縱拜於階下并堂乳其姑姑不粒食數年而
康寧一日疾篤長幼咸萃宣言無以報新婦恩願汝
孫婦亦如新婦之孝敬也

五六

李德武妻

音釋列女傳

李德武之妻裴氏字淑英戶部尚書安邑公矩之女
也性婉順有容德事父母以孝聞適德武竟一年而
武坐重徒之表矩時為黃門侍郎奏請德武離婚煬帝
許之德武將與裴別謂曰媿音燕婉音宛始稱便事分離
茲遠投瘴音瘴嶺音嶺恐無還理尊君奏留必欲改嫁耳於
此即事長訣矣裴泣而對曰婦人事夫無再醮之理

夫者天也何可而背乎願守之以死必無他志因操
刀欲割耳自誓保者禁之乃止裴氏與德武相別後
容貌毀悴常讀佛經不御膏脂李氏之姊妹在於都
邑者歲時相望必命左右致敬而省焉嘗讀列女傳
見稱述不改嫁者乃謂所親曰不踐二庭婦人常理
何以此載於記傳乎後十餘年間與德武音信斷絕
矩欲奪其志時有柳直求婚許之期有定日乃以剪
刀斷其髮悲泣斷粒矩不可奪乃止德武已嶺表娶
朱氏為妻及遇赦得還至襄州聞裴守節乃出其後
妻為夫婦如初

五七 高叡之妻

音釋列女傳

高叡音銳妻秦氏女也。叡為趙州刺史，為黠賊所攻，州陷。叡飲藥不死，夫妻至，賊斫所示以寶帶異袍，曰：「降我，賜汝官，不降且死。」叡視秦，秦曰：「吾受天子恩，當以死報賊，一品官何為榮？自是皆瞑目，不語。」賊知不可屈，乃殺之。

五八 楊氏烈婦

古今列女傳

楊烈婦者，李侃妻也。建中末，李希烈謀襲陳州，侃為項城令，以城小，賊銳欲逃去，婦曰：「君而逃，尚誰守？」侃曰：「兵少財乏，若何？」婦曰：「縣不守則地賊地也，看廩府

庫皆其積也，百姓皆其戰士也。於國家何有？請重賞募死士，尚可濟。」侃乃召吏民入庭中，曰：「宜相與死守，眾泣許諾，得數百人。侃率以乘城，婦身自爨以享眾。侃中流矢還家，婦責曰：「君不在，人誰肯固死於外？猶愈于牀也。」侃遽登城，會賊將中矢，遂引去。縣卒完，君子謂楊烈婦，恆愴知君臣大義云。

五九 董昌齡母

古今列女傳

董昌齡母楊氏，昌齡嘗為沔州長史，世居于蔡。少孤，受訓於母，累事吳少誠、少陽，至元濟時，為吳房令。母常密誡曰：「逆順成敗，兒可圖之。」昌齡未決，元濟又署

為郾偃城令楊復誠曰逆黨欺天神所不福汝當速降無以前敗為慮無以老母為念汝為忠臣吾魚沒無恨矣及王師逼郾城昌齡乃以城降且說賊將鄧德金取款於李光顏憲宗聞之喜急召昌齡至關即拜郾城令兼監蜜御史昌齡謝曰此皆老母之訓憲宗嗟歎良久元濟囚楊氏欲殺之而止者數矣蔡平楊氏幸無恙元和十五年陳許節度使李遜疏楊氏之強明節義以聞乃封北平郡太君

〔六十〕樊會仁母古今列女傳

樊會仁母敬氏字像子蒲州河東人也季十五適樊

氏生會仁而夫死夏舅姑娣姒以謹順聞及服終母兄以其盛季將奪其志微加調諭便悲恨嗚咽如此者數也母兄乃潛許人為婚矯稱母患以召之凡所營具皆寄之隣里像子既至省母無疾隣家復具有饌像子知為所欺佯為不悟者其嫂復請像子沐浴像子私謂會仁曰吾不幸孀居誓與汝父同穴所以不死者徒以我母羸老汝身幼弱今汝舅欲奪吾志將加逼迫於汝如何會仁失色啼泣像子撫之曰汝勿啼吾向偽不覺者令汝舅不我為意聞汝啼知吾覺悟必加防備則吾難為計矣會仁使佯睡像子於

是回隙携之遁故中路兄使追及之將逼與俱返像
子誓以必死辭情甚切其兄感歎而止後會仁年十
八病卒時像子母已終既葬像子謂其所親曰吾老
母不幸又夫死子七義無久活於是號慟不食數日
而死

〔六三〕樊彥琛妻 古今列女傳

樊彥琛妻魏氏楚州淮陰人彥琛病篤將卒魏泣而
言曰幸以愚陋託身明德奉侍衣裳二十餘載豈豐
意媿所招遽見此禍同入黃泉是其願也彥琛答曰
死生常道無所多恨君且宜勉勵養諸孤使其成立

相從而死適足貽累非吾所取也彥琛卒後屬李敬
業之亂乃為賊所獲賊黨知其素解絲竹逼令彈箏
魏氏歎曰我夫不幸亡歿未能自盡苟復偷生今復
見逼管絃豈非禍從我發耶乃引刀斬指棄之於地
賊黨又欲妻之魏以必死自固賊等忿怒以刃加頸
語曰若不從我即當殞命乃厲聲罵曰尔等狗盜乃
欲汗辱好人今得速死會我本志賊乃斬之聞者莫
不傷情

〔六三〕竇氏二女 古今列女傳

奉天竇氏二女生長草野幼有志操永恭中群盜數

千人剽掠其村落二女皆有容色長者年十九幼者年十六匿岩穴間曳出之驅迫以前臨壑谷深數百尺其姊先曰吾寧就死義不受辱即投崖下而死盜方驚駭其妹繼之自投折足破面流血群盜乃舍之而去京兆尹第五琦嘉二女之貞烈奏之詔旌表其門閭永蠲其家下役

六三 周迪善賈 三細行實

周迪善賈往來廣陵會畢師鐸亂人相掠賣以食迪飢將絕妻某氏曰今欲歸不兩全君親在不可并死願見賣以濟君行迪不忍妻固與詣肆售得數千錢

以奉迪至城門守者誰何疑其給與迪至肆問狀見妻首已在柙矣迪裏餘體歸葬之

六四 余洪之妻 閩範圖集

唐余洪妻鄭氏為時草寇竊發鄭氏奔竄值唐帥師下建州裨將獲之以其有色而不能犯獻之王將查之徵文徽欲納之鄭氏大罵曰王師弔伐當褒錄節義以勵風俗建對行伍尚知敬憚君元帥也而欲為禍首耶因訪其夫而歸之

六五 陳邈之妻 增補列女傳

陳邈妻鄭氏之女朝散郎陳邈之妻也鄭賦性聰敏

幼好讀書長益不倦每覽先聖聖言前賢行事未嘗
不三復撫躬而欲並餘芳步遺蹟焉唐永平間鄭之
女侄策為永王妃鄭慮其少長闖闢不開詩禮欲教
以為婦之道申以執巾之禮乃述經史正義祖漢曹
大家之言編女孝經一十八章各為篇目一如孝經
章體因作表奏聞太畧謂天地之性貴剛柔夫婦之
道重禮義仁義禮智信者是謂五常而愆五常為王
者實在於孝夫孝者感鬼神動天地精神至貫無所
不達上至皇后下及庶人不行孝而成名者未之有
也後其書大行于世而家庭之間大有補益也君子

謂鄭氏為有功於世教而其賢足多云詩云不怨不
忘率由舊章此之謂也

四六 義宗之妻 閨範圖集

唐鄭義宗妻盧氏涉獵經史事舅姑盡婦道嘗夜有
強寇數十持刀鼓譟破門而入家人悉奔竄惟姑在
室盧氏見及突往姑側為賊箠擊幾死金銀布帛席
捲一空賊去人問何為不懼盧氏曰人之所以異於
禽獸者以其有仁義也鄰里有急尚當赴援況姑而
可委棄耶若百有一危我豈獨生

四七 賈直言婦 閨範圖集

賈直言妻董氏賈直言坐事貶嶺南與妻別曰我去
生死未可知汝不宜獨守妻泣不答以繩束髮誓曰
非夫親手不解夫去二十年董氏兄弟勸之解髮董
氏不肯後夫果還親手解髮朝廷旌表之

〔六八〕符鳳之妻 三綱行實

符鳳妻某氏字玉英允妹羨鳳以罪徙儋州至南海
為獠賊所殺脅玉英私之對曰一婦人不足度眾男
子請推一長者賊然之乃請更衣有頃盛服立於舟
罵曰受賊辱不如死自沉於海

〔六九〕殷保晦妻 三綱行實

殷保晦妻封氏名絢字景文保晦歷校昏郎黃巢入
長安共匿蘭陵里明日保晦逃賊悅封色欲取之固
拒賊誘說萬詞不答賊怒勃然曰從則生不然正膏
我劍封罵曰我公卿子守正而死猶生也終不辱逆
賊手遂遇害

〔七十〕竇氏烈婦 三綱行實

竇烈婦朝邑令畢某妻初同州軍亂逐節度使李瑋
走河中令匿望先里不知所舍乃仇家也夜半盜入
猝令首欲殺之竇泣蔽捍若持賊袂至中刀不解令
得脫走不死賊亦去京兆聞之歸酒帛醫藥幾死而

愈

新續列女傳卷之上終

